

Wiener Stadt-Bibliothek.

13889

A

Britt. Haydnings
I. N. 13087

Adi den xxv. Aprill/ desß
1586. Jars.

Zwo Newe zeytung/

wie erbärmlich Gott der Herr mit sei-
ner straff eingezogen/ in der ersten aber erzeigt/
vnd Strafft er solches Volck mit Theürung. Nach-
mals in der andern/ mit mangel des Regens/
auff welchem die Theürung eriolgt ist/
Gott wölle ihnen zühilff
Comen/ Amen.

Gott der Herr laßt nichts güts vnbelohnt/
Hergegen nichts böß vngestrafte.



Erstlich gedruckt zu Wien/ bey Steffan
Kreuzer/ M.D.LXXXVI,



II. 5399

Amos der Prophet:

Ich hab den Regen vber euch verhalten / biß noch
3. Monat auff die Erden waren / vnnnd ich ließ Regnen
auff ein Statt / vnd auff die ander nit / ein anderer Acker
war beregnet / der ander nit. Solche wort redet Gott der
Heylige Geyst durch den Propheten / Aber solche zeyt ist
jetzt verhanden.

Ich lieben Christen mörcket mich /
Wie in Vngern verkerten sich /
Die Handlungen ja ganz vnd gar /
Wegen / der grossen Theürung zwar /
Das weder Fütterung noch Waid /
Weder Hew / Stroh / zü dem auch Traid
Weder Haber verhanden ist /
Den Kossen zu jhrs lebens frist /
Ja ich dir sag in kurzer Summen /
Das daselbst gar nichts ist bekommen /
Kein Wirt beherbergen kan kein Mann /
Auch weder Weyb / Mann wandlen kan /
Zü raisen niemandt vnderstat /
Sich / weil die sach ein solch gestalt hat /
Zü kauffen / zalen / kompt herauf /
Gar niemandt / sonder bleibt zu hauf /
Derhalben stöcken sie all Gwerb /
Das dem gemainen Mann ist herb /
Niemandt wo auß oder wo ein /

Sterbens lauff wegen thüt hie sein/
Da sihe du O Menschen Kind/
Wie Gott der Herz straffet die Sünd/
Kein vnglück allein schicken thüt/
Also straffe der Welt köhnen mätth/
Mit fressen/spylen/vnd mit sauffen/
Wie dann thün die Gottlose hauffen/
Die kein mitleyden haben thon/
Wanns anderstwo thüt vbel stohn/
Damit ich aber wider kumb/
Auff meine mainung widerumb/
Von disem jämertlichen handel/
Des Vngerlands/ vnd auch ihrs wandel/
Wie es mit ihrem Vich thüt stohn/
Vnd was es für ein gstat thüt hon/
Ist nechst verschiner Sommerzeyt/
Das Vich mit vngestümigkeyt/
Da sihe du Mensch wie dise wort/
Welche nun stahn an disem ort/
Dein hertz billich erwaichen sol/
Dann disen Text verstehst du wol/
Gleichsals in disem Winter rauch/
Das Vich von Hunger starbe auch/
Das Landt Vngern hat so abgnommen/
Das manchem Landt zü schad wirt kommen/
Dann es ein güet Landt gewesen ist/
An Vich/vnd zü des Menschen frist/

Dann

Dann grosser mangel jetzt auch wirt/
In Ungern an dem Vich gespürt/
In Ungern vberal nit zwar/
Ist gwachsen in ein ganzen Jar/
Ein wenig Körlein/auch kein Brot/
In diser grossen Hungers not/
Bekommen ist/zu dem auch war/
Bü vor in den Bergstetten zwar/
Die doch haben ein faistres Landt/
Wie möniglichen ist bekandt/
Jetzt/was man vmb ein pfenning gebn/
Müss man jetzt vmb 15. heben/
Ein grosser auffschlag ich nun sag/
Ist/wer solches erkennen mag/
Vil Leüt auch disen Winter gestorben/
Von hungers wegen auch verdorben/
Dises ein sehr herber Todt ist/
Wann hunger stirbet nur ein Christ/
Vil lieber in ein anders Land/
Kommen vnd auch in frembde hand/
An manchem ort Weiber zur stund/
Vor hungers noch in tieffe grund/
Mit hertzenlaid geworffen haben/
Ihre Maydlein/vnd ihre Knaben/
Auf vrsach weil in disem Jar/
Vrgents kein Traid verhanden war/
Der hunger sie selb darzu trungen/

Das sy selb in das Wasser sprungen/
Aber Amos der Prophet kündt/
Dis alles wegen der Menschen sünd/
Geschehe/meldt mit Worten klar/
Auf des Gaystes anregung gar/
Dann Gott durch den Propheten schlecht/
Sagt hie mit disen Worten recht/
Euch willich keinen Regen geben/
Zum wachsen ewers Korn eben/
Will aber geben einer Stat/
Fruchtbar Regen/ vnd Wasser thrat/
Die ander soll nun lehr aufgohn/
Das ihr Boden vertrucknet schon/
Dis alles von der Sünden groß/
Vnd von vnserm leben Gottlos/
Geschicht/wie man dann gsehen gar/
Hat in dem vergangenen Jar/
Da das Vich mit gesundem Leib/
Gar ein sehr grosses wütten treib/
In disem obgemelten Landt/
Da Gott abzohe seine handt/
Vondisem Volck vnd sy auch gstrafft/
Der Erden geben gar kein krafft/
Das ist/hat keinen Regen geben/
Zur frystung ihres Viches leben/
Vnd dis Vich also müste sterben/
Vordurst auch ganz vnd gar verderben/

Gott

Gott bitten sollen wir allzeyt/
Das er vns bhüt vor solchem leyd.
Wann aber wir auff diser Erden/
Vnser leben nit bessern werden/
Ein grosse straff Gott schicken wirt/
Wie man an vilen orten spürt/
Das man frist/saufft vnd spylt zugleich/
Vnd suchet nit das Himmelreich/
Gott hat sich zwar zü vns genaigt/
Vnd etlich schlechte strafferzaigt/
Pestilenz doch genedig gar/
Vnd wider von vns gnommen zwar/
Wegen etlicher Menschen fromb/
Das er ihret verschonet drumb/
Die ihn sehr angerüffen hon/
Das er die Straffhinweck wöll thon/
Das y aber die Menschen Kinder/
Gleich als darvor noch grosse Sünder/
Waren/so schickt ein theürung schlecht/
Die solte vns erschrecken recht/
Zum Betten/singen vnd andacht/
Das er ferner anzaig sein macht/
An vns die wir arm Sünder sein/
Vnd an ihn glauben allein/
Wann solchs geschicht/wirt vns Gott geben/
Fruchtbar zeyt/vnd fruchtbar regen/
Dann gwiß nit frewet sich der Herz/
A üü Des

Des Sünders Tod/ sonder beker/
Vnd von sünden bey zeyt abstohn/
Vnd böser sachen müßig gohn/
Derhalben Gott nun vnser Traid/
Behütten wöll auch vnser Waid/
Disen Leüten auch wölle geben/
Ein wölflers Jar/ vnd bessers leben/
Vnd alles was vns nutz wirt sein/
An Leib vnd an der Seele sein/
Das sollen sprechen alle samer/
Auf vnd von ihrs hertzen grund/ Amen.

Volget nun die ander Neuzeyt
tung/ die sich auch in Vngern
zutragen hat.

DMensch zu hertzen nim die wort/
Wie erbärmlich an einem ort/
Nemblich in Vngern wie ich sag/
Gewest ist gar ein grosse klag/
Da auff 40. meyllen nit war/
Auff der Erden ein Regen war/
Der wegen als verdorben ist/
Wein/ Ops/ vnd was zur Menschen frist/
Auch Kraut/ Gras/ Hopffen/ vnd auch mehr/
Die ich nit will erzölen her/
Al Wasser verlauffen zumahl/

Vnd

Vnd eingetrucknet vberall/
Im Königreich Vngern das man/
In keinem ort schier mahlen kan/
Großmangel mit dem Vich es hat/
Dann sie hetten gar kein vorath/
Das der schönst Vngerisch Ochs bald/
70. Vngerisch pfenning galt.
Aber niemand verhanden war/
Der solche nun wegtkauffte zwar/
Die Bäuren in Vngern thün sagen/
Auch gar hefftiglich sich beklagen/
Das auff 40. meil ein metz Traid frey/
Mit ganz vnd gar zubekommen sey.
Auch in ein Bach ein fleck ist bliben/
Mit ein tropff der 12. Mül hat tryben.
Welcher Bach nie gefroren war/
In Winter/ ist eintrucknet gar/
Die Moldner auff 2. meylen weit/
Schicken auß nach Wasser ihr Leit/
Ein Küffen vol vmb ein groß Gelt/
Nemblich ein Gulden wie ich meldt/
Die Weixel welch ist inn Crocaw/
Ist eingetrucknet gar genaw/
Auff welcher sonst gar vil Volcks waren/
Mit flößen vnd Schüssen sind gfaren/
Das Bäurenvolck gar auß gmeziglet ist/
Das niches mehr hat zur lebens frist/

Von

Von freyen stucken sind gefallen/
Zü dem Türcken mit grossen schallen/
Gesagt sie wöllent lieber geben/
In seine händ /dann so ihr leben/
Also vor hunger/ vnd so sterben/
Auch ihr leben also verderben/
Zü diesem vnfall ist auch kommen/
Das der Türck ein Schloß hat eingnommen/
Welcher zü seinem Volck thet sagen/
Das man alles Volck thü erschlagen.
Die Türcken haben sie geflissen/
Alle häuser darnider gerissen/
Dem so ist auch ein Bawren gar/
Das Brot im Bachofen fürwar/
Zü Stain worden/ wie man nun fand/
Herumb getragen in dem Landt/
Vom Himmel fielen auch groß Stein/
Welche von keinem Menschen sein/
Yemahls gesehen worden drum/
O Mensch/ thü büß/ vnd werde frumb.
Den Menschen dise grosse ston/
Gar ein sehr grossen schaden thon.
Den Traidboden desselben tagen/
Von Stainen ganz vnd gar erschlagen/
Gott alln Menschen ein seligs Jar/
Geb/das wünschich von hertzen gar/ Amen.

Auch

Auch zu wissen / das in Vngern ein solche
Theurung vnd Hungers noth ist / das die Wei-
ber ihre Kinder nemen / vnd den Türcken vmb
ein mezen Korn verkauffen. Gleichfals tryeb
ein Baur vierhundert Ochsen zum Wasser sie
zutrincken / so bringte er sie nit halber heim / vr-
sach / das sie also verschmachten vñ sterben geh-
ling dahin / das sie also weit darnach gehn müs-
sen / das niender kein Wasser ist / auch keines in
Brunnen / sie sein allsam versygen. Vnd in der
Türckey in einer Grenzen vber die zweinzig
Tausent Ochsen gestorben seind. Des alles vn-
ser lieber Gott vmb vnser vilfältigen Sünden
willen zuschicket / vnd zur büß zu arzen / vnd zu
besorgen / so wir vns nit best
sehen / vnd mit d
be Gott wöl
lichen willen
ben / vñ vn
sonder
zig
v

wir ein anders
werden / der lie-
macht / vñ Göt-
keren vnd wen-
verdienst lohnen /
/ vnd barmher-
ie Ewige fremd

en.

rdern

Hayd. Katalog T/1424

Pl 1-







